

# Confeugo 2017

Sciô Scindico,

st'anno chi o l'é o primm'anno che s'incontremmo pò-u Confeugo perché questo o l'é o seu primm'anno da scindico. Coscì, ciufito che mogognâ pe de cöse che sciâ l'à avuo in ereditæ istituzionale, m'é ciù cao parlâ de quante grande a l'é stæta Zena inti tempi pasæ e aregordâ a Voscià che l'American Dream, o seunno american dove tutti, co-o travaggio e l'inpegno, peuan cangiâ a seu vitta in meglio, ben, do medioevo l'American Dream o se chiamava Republica de Zena: basta pensâ a-i Durasso: vegnuì a Zena comme scciavi do 1389 an dæto neuve duxi a-a Republica! Sciâ me digghe dove mai l'é successo 'na cösa scimile into mondo!

Pe questo, e ghò-u diggo co-o cheu, me saieiva cao vedde 'n rilancio do scinbolo da çitæ, a Lanterna, ancheu fòscia in pö ascordâ lazù a-o confin tra Zena e San Pê d'Ænn-a. Coscì comme me saieiva cao vedde nasce quello che tante çitæ an za: o "Muzeo da çitæ", in pòsto dove Zena a conta quello ch'a l'é stæta a-i zeneixi, ma sorviatutto a-i turisti che porieivan, de de li, da-o Muzeo, decidde cösa anâ a vixità e dove.

A sto ponto, inta verscion òriginale do mæ intervento, gh'avixæ aregordòu che l'Inno d'Italia, finalmente vegnuo l'inno ofiçiale da Republica italiann-a, o l'é stæto scritto da doi zeneixi e sunòu pe-a primma vòtta chi a Zena. Avixæ quindi concluozo co-o dî che, comme in Fransa gh'an "la Marsigliese", perché a l'é stæta cantâ a Pariggi da personn-e che vegnivan da Marseggia, in Italia se porieiva chiamâ l'Inno di Mameli "la Genovese". Ben, son pròpio contento che sciâ m'agge preceduo, faxendo sta propòsta in òcaxon de celebraçioin pe-i fæti do Balilla a-o Santoaio da Madonna de Loreto in Oêginn-a. Tutti i sòcci da Compagna e tutti i zeneixi confian into seu inpegno pe òtegnî questo riconoscimento: "la Genovese" inno d'Italia!

Dito questo sciâ me fasse aregordâ che Zena a gh'à 'n archivio inportante, quello de l'antigo uspiâ de Pamaton, in tòcco de stöia de Zena, ch'o no l'é valorizòu comme o meritieiva: bezorieiva trovâ o mòddo pe intervegnî 'na vòtta pe tutte.

E no scordemose de 'n patrimònio coscì dito inmateriale ch'a l'é a nòstra bella lengoa zeneize ch'a gh'à quæxi mill'anni! Bezeugna che tutti se pigemmo l'inpegno no solo de difendila, ma d'atrovâ de stradde pe rilanciâla, pe fâla tornâ a vive.

Ecco, a niatri zeneixi da Compagna ne saieiva câo che se parlesse de Zena, de quello ch'a l'é stæta e de quello ch'a saiâ. Pe questo, sciô Scindico, pòsso afermâ che 'na cösa a l'é segûa: se o Comùn o vorîâ intervegnî pe-o ben de Zena a Compagna a l'é pronta a colaborâ, a dâse da fâ insemme a Voscià e a tutta l'istituçion, pe portâ Zena a l'önò do mondo.

Concluddo co-i Mogognin, che son di mogogni fæti da zoeni de scheue superiori e recugeiti da-i nòstri sòcci Mirko e Rossana Oriati. Chi ghe consegno a busta con l'arecugeita de tutti i Mogognin che se peuan riasumme coscì: i mezzi pubblici devan ese de ciù, a metropolitann-a a va esteiza, a çitæ a dev'ese ciù polita, bezeugna creâ ciù parchi e zöne verdi pe-i zeughi di figeu. A lista a finisce co-ina nòtta poxitiva: sentimose tutti ciù amixi, che, de Dênâ, o l'é pròpio in bell'ougurio!

Tanti ouguri e scignorîa a Voscià e a tutti. Pe Zena e pe San Zòrzo!

Franco Bampi  
Presidente de A Compagna

# Confeugo 2017

Signor Sindaco,

quest'anno è il primo anno che ci incontriamo per il Confeugo perché questo è il suo primo anno da sindaco. Così, piuttosto che mugugnare per cose che ha avuto in eredità istituzionale, gradisco di più parlare di quanto grande è stata Genova nei tempi passati e ricordarle che l'American Dream, il sogno americano dove tutti, con il lavoro e l'impegno, possono cambiare la loro vita in meglio, ebbene, nel medioevo l'American Dream si chiamava Repubblica di Genova: basti pensare ai Durazzo: venuti a Genova come schiavi nel 1389 hanno dato nove dogi alla Repubblica! Mi dica dove mai sia successa una cosa simile nel mondo!

Per questo, e glielo dico con il cuore, mi piacerebbe vedere un rilancio del simbolo della città, la Lanterna, oggi forse un po' dimenticata laggiù al confine tra Genova e San Pier d'Arena. Così come mi piacerebbe veder nascere quello che tante città hanno già: il "Museo della città", un posto dove Genova racconta quello che è stata ai genovesi, ma soprattutto ai turisti che potrebbero, da lì, dal Museo, decidere cosa andare a visitare e dove.

A questo punto, nella versione originale del mio intervento, le avrei ricordato che l'Inno d'Italia, finalmente diventato l'inno ufficiale della Repubblica italiana, è stato scritto da due genovesi e suonato per la prima volta qui a Genova. Avrei quindi concluso dicendo che, come in Francia hanno "la Marsigliese", perché è stata cantata a Parigi da persone che venivano da Marsiglia, in Italia si potrebbe chiamare l'Inno di Mameli "la Genovese". Beh, sono proprio contento che mi abbia preceduto, facendo questa proposta in occasione delle celebrazioni per i fatti del Balilla al Santuario di Nostra Signora di Loreto in Oregina. Tutti i soci della Compagna e tutti i genovesi confidano nel suo impegno per ottenere questo riconoscimento: "la Genovese" inno d'Italia!

Detto questo mi lasci ricordare che Genova ha un archivio importante, quello dell'antico ospedale di Pammatone, un pezzo di storia di Genova, che non è valorizzato come meriterebbe: bisognerebbe trovare il modo per intervenire una volta per tutte.

E no scordiamoci di un patrimonio così detto immateriale che è la nostra bella lingua genovese che ha quasi mille anni! Bisogna che tutti ci accoliamo l'impegno non solo di difenderla, ma di trovare delle strade per rilanciarla, per farla tornare a vivere.

Ecco, a noi genovesi della Compagna ci piacerebbe che si parlasse di Genova, di quello che è stata e di quello che sarà. Per questo, signor Sindaco, posso affermare che una cosa è certa: se il Comune vorrà intervenire per il bene di Genova la Compagna è pronta a collaborare, a darsi da fare insieme a lei e a tutta l'istituzione, per portare Genova all'onore del mondo.

Concludo co-i "Mogognin", che sono dei mugugni fatti da giovani delle scuole superiori e raccolti dai nostri soci Mirko e Rossana Oriati. Qui le consegno la busta con la raccolta di tutti i "Mogognin" che si possono riassumere così: i mezzi pubblici devono essere di più, la metropolitana va estesa, la città deve essere più pulita, bisogna creare più parchi e zone verdi per i giochi dei bambini. La lista finisce con una nota positiva: sentiamoci tutti più amici, che, nel tempo del Natale, è proprio un bell'augurio!

Tanti auguri e cordialità a Lei e a tutti. Per Genova e per San Giorgio!

Franco Bampi  
Presidente de A Compagna